

МИРЗАКАРИМ НОРБЕКОВ

Құвват сенда, қүшил!

Тентакниң ҳаёт
тажрибаси,

ёхуд күзинг очилишиға қалит.

Күзойнакдан құтулиш.



МИРЗАКАРИМ НОРБЕКОВ

Кувват сенда, қўшил!

*Тентакнинг ҳаёт
тажрибаси,*

ёҳуд кўзинг очилишига қалит.

Кўзойнакдан қутулиш.

Урганч - 2013 й.

Сиз қўлингизда жуда антиқа китобни ушлаб турибсиз. Бу шунчаки қўриши қобилиятини қайта тиклашга ўргатиш бўйича қўлланма эмас, сурункали касаллар ва омадсизлар учун шунчаки фалсафий рисола эмас, балки ҳаракат дастуридир. Бу ерда мустақил эксперталар Ҳалқаро асоциацияси томонидан 1998 йилгача маълум бўлган муқобил соғломлаштириши тизимлар орасида энг самарали, деб топилган тизим таърифланган. Бу китобнинг жсанрини белгилаш қийин. Балки бундайи хали бўлмаганигиданdir.

Унинг муаллифи, Мирзакарим Норбеков – ёрқин ва кучли шахс. У – эзгулик йўлидан бораётган ҳаётбахши нур, яхшилик, меҳр-муҳаббат жсангчиси – ўз кетидан ўзлигини англашга чанқоқ бўлганларни эргаштириб келмоқда.

Бу китоб ҳеч кимни бефарқ қолдирмаслиги аниқ. Ҳеч бир одамни! Кимдадир у салбий туйғулар ва тажсовузкорликни уйғотиши мумкин, кимдир эса унинг антиқа тузилиши замираиди ўзи учун ҳақиқий ва юксак маъноларни топиши мумкин. Бир сўз билан айтганда Сиз қўлингизда сатрлар орасида ўқиши, қалб кўзи билан кўриши, нарсаларнинг асл моҳиятини билиши қобилиятини аниқловчи тест китобини ушлаб турибсиз.

Чин дилдан тест синовларидан муваффақиятли ўтишингизни тилаймиз.

Рус тилидан Шавкат Рассоқов таржимаси.

Кўлингиздаги китобнинг рекламаси

Кўйидаги тоифа одамларга бу китобни ўқиш, қолаверса, унга амал қилишни умуман тавсия қўлмайман:

- ҳазилни кўтариш қобилиятидан маҳрум бўлганларга;
- келажақдан яхшилик кутиш нималигини билмаганларга;
- аразлашни ўзига касб қилиб олганларга;
- ёлғончилик фанини, яъни этикани мукаммал ўргангандарга;
- ҳамма одамлар ярамас эканлигини аниқ биладиганларга;
- ишдан бўшатилган ёки бўшатилишга номзод булиб турганларга:
- қариётган ёки қарилек тўғрисида ўйлаётганларга;
- ажрашган ёки ажрашмоқчи бўлиб турганларга;
- қарама-қарши жинс вакилларига нисбатан қизиқишини йўқотганларга;
- шунингдек,
- ақли ошиб-тошиб кетганидан бош чанофи торлик қилаётган одамларга;
- ва айниқса,
- бурнининг устидаги кўзойнаксиз дунёни яхши кўра олмайдиганларга.

Гарчи китобда биз бу муаммоларнинг барчасини ҳал қилсан ҳам, лекин бу Сизга тўғри келмайди!

Мирзакарим Санакулович Норбеков психология ва педагогика фанлари доктори, тиббиёт фалсафаси доктори, профессор, Россия ва бир қатор хорижий академияларнинг ҳақиқий аъзоси, кўпчилик ихтиrolар ва илмий ка什фиётлар муаллифи... лекин, булар тўғрисида кейинрок...



Муаллиф тұғрисида

Машғулотларда Мирзакарим Санакулович Норбеков бир гапни күп такрорлайды: «Мен худди бошқаларга үшшаган одамман. Ҳеч кимдан ортиқ жойим йўқ ва умид қиласанки, камис жойим ҳам. Мен ҳаётимда эришган нарсаларга сиз ҳам эриша оласиз, муҳими буни исташ керак холос!»

У эса ҳақиқатдан ҳам күп нарсага эришган. Бугунги кунда Мирзакарим Санакулович Норбеков – психология ва педагогика фанлари доктори, тиббиёт фалсафаси доктори, профессор, Россия ва бир қатор хорижий академияларнинг ҳақиқий аъзоси, кўплаб ихтиrolар ва илмий кашфиётлар муаллифи. Шуниси ҳам борки, унинг ўзи бу унвонларнинг барини «кучукчалар медаллари» деб атайди, чунки шон-шуҳрат учун ишлаётгани йўқ.

Мирзакарим Санакулович – ҳақиқий тадқиқотчи олим.

Уни қизиқтирадиган соҳалар доираси жуда кенг. Бир одам шунча күп йўналишда фаолият олиб бориши кўпчиликни ҳайрон қолдиди: мусаввир, бастакор, ёзувчи, кинорежиссер, артист, спортчи, каратэнинг икки йўналиши бўйича учинчи ва тўққизинчи “Дан” қора белбоғларига эга бўлган спорт мураббийси. Лекин энг муҳими, китоб муаллифи – дунёдаги энг қадимий бўлган сўфийлик табобати ва амалиётининг мутахисиси.

Сўфийлик – Шарқнинг мумтоз фалсафий анъаналарига тааллуқли, донолик таълимотидир. У дунёга алгебра, ёзув илмини берган, уч асосий дин ундан бошланган.

Сўфийлар имон-эътиқоди мустаҳкам одамлар. Лекин уларнинг ўз муқаддас шаҳарлари, мачит, жамоа тузилмалари, белги ва нишоналари йўқ. Аллоҳнинг кошонаси инсон қалбida жойлашган. Улар ҳеч бир динни рад этмайди, бироқ Худо тўғрисида муроҳаза юргизиш уларда мунофиқлик, риёкорлик ҳисобланади. Ҳар қандай одам эзгулик тўғрисида гапириши мумкин! Бу одамлар гапиришдан кўра ҳаракатни афзал кўришади! Амаллари, ишлари ва ўз ҳаёти билан улар меҳр ва муҳаббат уругини сепишади ва ўз атрофидаги жаъмики нарсалардаги илоҳий нурни асраб-авайлайдилар. Сўфийлар нур жангчилариdir, улар эзгулик, меҳр-муҳаббат, уйғунлик, гўзal-

лик ва донолик ҳазинабонларидир. Ташқаридан қараганда улар кундалик турмуш ташвишлари билан яшаётган бошқа оддий одамлардан деярли фарқ қилишмайды: меҳнат қилишади, бола тарбиялашади, яқинларига ғамхўрлик қилишади.

Уларнинг асосий қоидаси: «Дил ба ёру, даст ба кор», яъни «Қалбинг Аллоҳда, қўлинг меҳнатда бўлсин».

Мирзакарим Санакуловични – сўфий ёки жаҳонгашта дарвеш деб аташ мумкин. У инсон манфаатига хизмат қилиш йўлини танлаган, асрлар давомида сараланган донолик илми устоздан шогирдга ўтишини таъминлаш, билимга ташна бўлганлар улардан баҳраманд бўлишига хизмат қилиш йўлини танлаган.

Фаолиятининг ҳар бир соҳасида Мирзакарим Санакуловичнинг ўз шогирдлари бор. Улар у бошлаган ишни давом эттироқдалар. Бу эса бир жойда туриб қолмасликка, олдинга интилиб, янги чўққиilarни забт этишга имкон бермоқда.

Бундай инсон билан бир сафда бўлиш осон эмас. У билан ёнмаён ишлаб олдинга силжиш учун ҳамиша ўсиш, ўзгариш ва ўрганиш керак бўлади.

Ўйлаганларини амалга ошириш масаласига келганда у талабчан, қатъиятли ва дадил ҳаракат қиласи. У ҳар бир одамга ўзининг илоҳий табиатини намоён қилишга имкон беради. Сизга эса, муҳтарам китобхон, бундай имконият китоб орқали берилади.

Эскилар осмонни бирдамлик ва абадият рамзи деб ҳисоблашган. Одамлар бир-биридан узоқда бўлишса ҳам, шу дамда юлдузларга қараганларида улар бирга бўлишар экан. Мана шу сатрлар ва варақлар сиз билан бизни соғлик ва муваффақият йўлида бирлаштириш рамзи бўлсин. Ва ҳар сафар сиз китобни қўлингизга олганингизда, билингки – биз биргамиз!

Адабий мухаррир.

Ёзувчиман деб даво қилаётган кимсадан, яъни мендан

Хурматли китобхон!

Қўлингиздаги китоб Сиз учун, кўриш қобилиятингизни қайта тиклаш, қалбингизда яширинган истеъодларингизни уйғотиш ва ўзингизни Шахс сифатида намоён қилишга ёрдамлашиш мақсадида ёзилган.

Бироқ биринчи варақларданок китоб Сизни бироз ҳижолат қилишига, муаллифга нисбатан салбий туйгулар тўфонини кўтаришига, қалбингизда норозилик, жаҳл, тажовузкорлик туйгуларини уйғотишига тайёр бўлиб туринг.

Мен эса буларнинг барчасини ўз гарданимга олишга тайёрман. Бунинг устига, агар айнан шундай бўлса, ўз вазифамни бажардим деб ҳисоблайман.

Биламан, тахминан қўйидагича эътиrozлар кўп бўлади:

— Китоблар бундай ёзилиши мумкин эмас!!!

— Оғзаки айтилиши уччалик айб ҳисобланмаган гапларни нашрда чоп этиб бўлмайди!!!

— Бундай ҳақорат ва қўполликлар беъодобликдан бошқа ҳеч нарса эмас ва улар муаллифга ярашмайди!!!

— Ҳеч бир вазият, сабаб ёки баҳоналар билан одоб - ахлоқ чегараларидан ташқарига чиқиб кетилишини оқлаб бўлмайди!!!

— Худди шу гаплар мулойимлик билан баён қилинса, маданиятли қилиб тушунирилса ҳамма шундоқ ҳам тушунади... ва ҳоказо.

Бундан йигирма йилларча олдин, шифокорларга, муолажаларга, дори-дармонларга боғланиб қолган пайтимда, ҳаётда ўз ўрнимни топа олмай, «келажаги йўқ одам» бўлиб қолганимда, мен ҳам худди шундай мулоҳаза юритганман. Ҳатто, ўз жонимга қасд қилиш фикри ҳам ҳаёлимдан ўтган. Ҳа! Шундай дамлар ҳам бўлган. Сунъий қон тозалаш ускунасига «уланган» одамдан нимани ҳам кутиш мумкин?! Шундоқ ҳам бир оёфи билан гўрда-ку! Ва бу... йигирма ёшда-я!

Расмий табобат бундай касалликни даволамайди. Охирги кунларини яшаётган касални мавжуд асбоб ва воситалар ёрдамида шун-

чаки суюб туришади ва кундан-кунга сўниб бораётганини кузатишади, холос.

Бу даҳшат эмасми?!

Ҳаётни жудаям қадрлаганим сабабли, Сизни касаллик ва умидсизлик ботқоғида ушлаб турган кишанлардан озод бўлишингизга тезда ёрдам бериш ўрнига, хушомад ва мулозамат қилиб ўтиришга вақт сарфлай олмайман.

Сиз югуриб-еласиз, нималардир қиласиз, доим қаергадир шошасиз, лекин лоақал бир дақиқага тўхтаб, – «Буларнинг бари нима учун керак? Мен қаерга боряпман ва мендан нима қолади?», – деб ўйлашни ўзингизга эп кўрмайсиз.

Гарчи аҳён-аҳёнда бўлса ҳам, – «Бундай бўлмаслиги керак», – деган фикр юрагингизни зирқиратиб туради.

Бироқ вақт йўқ! Доим қаергадир чопиш керак. Ҳамма гап «Қаерга ва нима учун?» деган саволда. Аслида эса биз бир қадам ҳам олдинга силжимаймиз, ўзимиз билмаган ҳолда доира бўйлаб югураётганингизни сезмаймиз. Барча харакатларимиз эса, бизни ҳар сафар бошлаган жойимизга қайтадан олиб келиб қўяди. Шунинг учун, яъни Сиз бу муаммо ва омадсизликлар доираси бўйлаб югиришларни бас қилишингиз учун, мен жўртага Сиз кўникиб қолган мувозанатингизни бузишга ҳаракат қиламан. Услубнинг моҳияти ҳам шунда.

Бу - одамнинг кўриш қобилиятини ўз иродаси ва ҳис-туйгуларини жиловлаши орқали қайта тиклашни жадаллаштириш услубидир.

Кўпчилик одамларнинг ҳис-туйгулари худди қолипга солингандек, аниқроғи уларнинг ҳис-туйгулари бичилган. Ишга боришади – ишдан қайтишади, боришади – қайтишади, худди бир изда юрадиган машинадек.

Барча ҳасратлари эса - ичиди. Агар ташқарига бирон нарса чиқса ҳам, кўпинча жаҳл, тажовуз чиқади.

Менинг вазифам – Сизда чукур ўрнашиб олган ва ичингиздан сизни кемираётган бу азобни ташқарига чиқаришдан иборат. Сиз қалбингиздаги бу чипқон билан яшаб юрибсиз, уни эса ёриш ва йирингини ташқарига чиқариш керак. Тозалаш керак! Ана шунда Сиздаги бунёдкорлик кучлари, орзу қилиш ва ниятларни амалга ошириш қобилиятларига йўллар очилади.

Ҳаммасидан ҳам кўпроқ, Сиз бу китобни ўқиганингиздан кейин локайд бўлиб қолишингизни ва, айниқса, ҳозир тақиб юрган кўзой-накингизда қолишингизни истамайман. Китобда онгли равища кўлланилган туйгулар ўйини – бу «жарроҳлик» асбобидир.

Жуда оддий формула мавжуд:

Касаллик тури – фъел-атвор билан тақдирга муносиб бўлади.

Бундан келиб чиқадики, геморрой касаллигига чалинган одамнинг феъл-атвори қандай бўлади?...

Бу нарса вақт ва амалий тажрибада синалган, шу жумладан, шахсий тажрибада ҳам.

Демак, ўз соеглигинг ва, умуман, ҳаётингни яхши томонга ўзгартириш учун феъл-атворни ўзгартириш керак, бунга эса шунчаки панд-насиҳатлар билан эришиб бўлмайди.

Феъл-атвор ичкаридан, Сизнинг бевосита иштирокингиз билан тобланиб чиқади, мен эса шунчаки катализатор вазифасини бажарагяпман, холос. Шунинг учун Сизнинг шахсингизга қаратилган, мутлақо кутилмаган ва босма нашрга хос бўлмаган хужумларга тайёр бўлиб туринг.

Сизнинг вужудингизда жуда катта олмос бор. Сизга фақат уни топиш, ҳар бир қирраси билан жилваланиб туриши учун унга ишлов бериш қолади, холос. Шунда Сиз барча нарсаларни бошқача қўз билан кўришга, ҳаётингизда янги уфқларни очишга қодир бўласиз. Мен эса бу йўлда Сизга хизмат қилишга тайёрман!

Ҳаёт унчалик ёмон ҳам, мушкул ҳам эмас. У, шунчаки, қандай бўлса, шундай!

Чин дилдан ва самимий эҳтиром билан,

Мирзакарим Норбеков



- Lituz.com
Elektron kitoblar

**To'liq qismini Shu tugmani
bosish orqali sotib oling!**